



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1622.

**urn:nbn:de:hbz:466:1-29436**



consignatisque suo sanguine chirographis  
 Dæmoni se devoverint, à PP. Soc. Jesu rite  
 expiati turpissimo servitio exierunt. Ipse  
 etiam doli artifex Diabolus per sacros exor-  
 cismos in sacello Collegii S. Laurentio sacro  
 per plures dies continuatos, patrocinate  
 in primis tam sancto operi B. Ignatio ad  
 restitutionem chirographorum tandem est  
 compulsus.

*ANNUS 1622.*

**G**regorius XV. Pontifex instituit con-  
 gregationem de propaganda fide, & die  
 12. Martii refert in sanctorum numerum Ss.  
 Isidorum Agricolam Hispanum, Ignatium  
 fundatorem Soc. Jesu, Franciscum Xaveri-  
 um ejusdem Societatis Indiarum Apосто-  
 lum, Teresiam fundatricem Carmelitarum  
 Discalceatorum, & Philippum Nerium fun-  
 datorem Congregationis Oratorii. Die i-  
 tem 24. Maji decretum Pauli V. quod vetat  
 in publicis actibus asserere B. Virginem Dei-  
 param conceptam in peccato originali, ex-  
 tendit etiam ad privata colloquia, concessâ  
 tamen PP. Dominicanis facultate differen-  
 di privatim & inter se tantum de hac mate-  
 ria.

In Japonia hunc annum martyrio suo il-  
 lustrâ-

lustrâ-



lustrârunt fortes Christi Athletæ P. Carolus Spinola, & P. Sebastianus Quimura, qui fuit primus e Japonibus Sacerdos, ambo Soc. Jesu P. Petrus de Sunniga Augustinianus, & P. Ludovicus Flores Dominicanus, aliique multi nobiles lenris ignibus cremati. Multis etiam infantibus Christianis demessa capita, qui se constantia maturos cælo demonstrârunt.

In Germania variis attriti cladibus fautores Palatini. Primam subiit à Tillio in Marchia Badensi 6. Aprilis Mansfeldius exutus impedimentis ferè omnibus.

Gravior illata 6. Maji in Campo Winpfinensi ab eodem Tillio Marchioni Durlacensi, Ceciderunt ex Durlacensibus sex circiter millia. capti quàm plurimi cum magno Duce Wirtenbergico & Birckenfeldico, aliisque non paucis insignis nominis præfectis, atque tribunis. Strages atrocissima & pene internecina fuit, quæ 20. Junii excepit ad Hœchstam urbem ad Mœnum ditionis Moguntinæ non nisi tertio milliari à Moguntia, Christianum Ducem Brunovicensem, ab Episcopatu Halberstadiensi, dictum vulgò Halberstadium agente eodem Tillio cum Germanis, & Corduba cum Hispanis,



spanis. Sunt qui memorant ex triginta milibus hostium vix sex millia superfuisse cladi, reliquis omnibus vel ferro cæsis, vel Mœno haustis, vel vivis in potestatem victorum redactis. Victoriæ auctarium fuit Ladenburgum Tillio redditum, & paulò post cum Manhemio, munitissimo ad Rheni & Nicri confluentes propugnaculo, expugnata Heidelberga Palatinatûs inferioris caput, cujus nobilissima Bibliotheca ex omnibus pene Germaniæ Monasteriis conflata dono missa fuit à Maximiliano Bavaro Romano Pontifici Urbano VIII.

Osmanes Turcarum Imperator strangulatur, & ex carcere in solium Ottomannicū evehitur Mustapha Ossmannis patruus.

Rex Galliæ multa alia loca ab Hæreticis occupata recuperat, revocatque veram religionem in Bearniam, unde medio sæculo exulaverat.

Bethlem Gabor restituit Imperatori coronam Hungaricam, quâ Oedenburgi in Comitibus Augusta coronata est Regina Pannoniæ.

Carolus Dux Lotharingiæ Episcopus Verdunensis ex concessione summi Pontificis abdicatis infulis se consecrat *Societati. Jesu,*  
in qua



in qua post aliquot annos religiosissimo  
transactos obiit Tolosæ in Aquitania cum  
fama insignis sanctitatis & virtutis.

*A N N U S 1623.*

**R**omæ diem supremum obiit Gregorius  
XV. ætatis 72. sedis 2. cum 5. mensi-  
bus, cui successit Maphæus Barberinus  
vir eruditissimus, dictus Urbanus VIII. qui  
tam diuturnum, quam utilem Ecclesiæ ges-  
sit Pontificatum.

In Comitibus Ratisbonensibus Ferdinan-  
dus Imperator creat Maximilianum Ducem  
Bavariæ S. R. I. Electorem Dapiferum, ei-  
que soli, quam diu vixerit, concedit suffra-  
gandi jus Electoribus concessum. Tillium  
verò Ducem fortissimum, loco lauri, quam  
toties meruerat, exornat dignitate Comitum.

Proceres Circuli Saxonie inferioris in-  
eunt fœdus cum Rege Daniæ, qui se impi-  
grè parat ad bellum. Halberstadius ingenti  
rursus clade afficitur in campo *stattlohano*  
*Ditionis Monasteriensis.*

Carolus Walliæ Princeps Jacobi Angliæ  
Regis unicus filius Mariam Philippi III,  
filiam postulat uxorem, & impetrat Matri-  
ti, quò cum 4. sociis incognitus advenerat,  
multum approbante pactum hoc sponsali-  
tium summo Pontifice.

Mu-